

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（214）





國家圖書館出版社

中國地方志佛道教文獻匯纂·寺觀卷
江西省 南昌市

南昌府志

清·許應鑠 王之藩修 曾作舟 杜防纂
清同治十二年（一八七三）刻本





南昌府志卷十四

典祀

寺觀

南昌縣

普賢寺 在惠民門內故禪居寺東晉隆安四年武昌太守熊鳴鵠捨宅建迎西來梵僧悉坦哆開山倡教故名禪居唐神龍元年勅賜隆興完會昌間觀察使裴休迎黃蘗山希運禪師居此南唐保大二年袁州刺史邊鎬以鐵二十萬勛鑄普賢乘白象寺遂以名永樂間重建嘉靖丙戌修郡人王文明記

國朝康熙四十一年巡撫張志棟布政使盧崇輿重建寺內原有石室有教長春三堂後分爲西禪西竺觀音慈仁卽山

至教慧照一葦報恩九堂道光二年正殿燬募化重修西竺堂久圯增修如舊

以下皆本縣志

延慶寺 在順化門內晉建武元年得琉璃佛像詔建寺奉之名琉璃寺唐咸通二年觀察使嚴譔表請重建時值延慶節遂改名延慶南唐徐鉉有記

國朝順治二年燬於兵巡撫董衛國倡捐復新之李元鼎記

重慶寺 在瓦子角

應天寺 在進賢門內唐光啟元年建一名掬林寺相傳

僧掬林禱雨靈應改今名宋文信國天祥重新之

總持寺 在進賢門內唐開元中建舊名總持院碑刻乾符三年牒中和五年牒各一通寺內有雷公堂又有龍井禱雨屢驗宋周必大記云雷堂後有壇臺滅明墓

寶光寺 在棉花市武廟後

承恩寺 在貢院前左康熙三十七年僧卓空建乾隆九

年僧守彬募修

天成寺 在南營房

多佛寺 在磨子巷火神廟左咸豐五年糧道鄧仁堃建

鄧仁堃新創多佛寺記咸豐癸丑夏五粵匪自金陵分擾豫章訖警突聞倉猝無以應後負郭市廛廟舍一夕縱燔苦不得盡正二月間余守南昌郡時即力請大府為堅壁清野之議道謀未果殆亦時數使然人力有難挽者歟解圍後瓦礫摧殘滄桑增慨凡神聖佛像悉委諸草莽多有具體不全者余每於督修城工時見之弗禁悚惕於懷適暫奉於城內各廟思欲以妥以侑俾靈爽式憑於外東岳募疏捐金先將德勝門月城內關聖帝廟永和門外東嶽宮一仍舊基一移吉壤皆得紺宇重開丹楹式廓更於城東三皇殿對宇得地一區縱前面寬三丈二尺四寸內寬四丈三尺深四丈四尺向以隙廢展轉質於饒姓用錢百四十緡取償鳩工庀材共費白銀九百有奇余捐廉五十金為倡好善者遂樂集資以葺厥事寺即以多佛名舉從前奉移各像修飾莊嚴整肅龕舍廟外構市屋兩椽城

百卷卷一

南昌寺觀

二

終收其質息以供香火界僧悟言住持徒竹泉議由糧道
署按月資給食米三斗永以為例嗟乎興廢有時盛衰異
數人心向善即種善因浩劫雖經無不可望幾希之續惜
論脩者未知所返耳軍興以來東南半壁岌岌幾無樂土
豫章介吳楚之衝四鄰多壘而省會獨慶又安未始非民
氣醞釀邀神貺以垂庇無疆尤冀上下交修神人和洽則
樽簋納牖出險亨乎知者
當不以是舉為佞佛也

甘露寺 在塘塍上

大雄寺 在西湖北

恆沙寺 在百花洲舊名蓮波菴學使王思訓改今額道

光年間重修

清真寺 在廣潤門內

大雲寺 遺迹無攷省志府志有洪州大雲寺鐘銘

歸德寺 在城東崇和門內南宋時已廢淳熙間卽其遺

址改建養濟院見朱子江西運司養濟院記

長清寺 在豫章書院右舊名二聖院順治間巡按許世昌建康熙間布政許兆麟修張尙瑗記嘉慶間布政陳預改今名寺基爲劉少保故宅手植雙柏其一尙存同治壬申知府許應鏐移天壽寺少保飲馬石曰於此楊應釗記圓常寺 在城南大洲村其址卽唐福山也舊名唐福院明萬厯間陳后好佛鑄金像觀音供奉於此勅建藏經閣名蹟記云此藏旣燬而永甯寺所請北藏亦委却灰僅西山香城寺有徑山支那藏本而已

宣妙寺 故基無攷成化間參議李芳詩圓覺寺連宣妙寺大觀樓映聚奎樓見江城名蹟記

繩金塔寺 在進賢門外舊名千佛院唐天祐間建有繩金寶塔相傳建塔時掘地得鐵函劍三金瓶舍利三百俗

名塔下寺明宋濂有記

國朝康熙四十七年塔圯巡撫佟國勦重建自有乾隆四年巡

撫岳濬重修二十年巡撫胡寶瑑重修內分法華堂宿覺

堂圓覺堂即市林寺

國朝巡撫佟國勦重建金塔碑記南昌之南郊外有古千佛

寺寺後有繩金塔唐天祐間建距今七百餘稔迨康熙四

十八年三月塔全仆於地無一瓦一條之存壬辰冬余奉

命撫江右甫抵任見廣潤門外市廛商賈之所輻輳遭火燼甚

烈憫切余懷及訪諸耆老僉以茲塔能鎮火災大庇民居

且在巽方關閩省文風惜傾毀四年來無復能創建者予

思忝荷封疆重任凡有裨於地方民生宜竭力興舉首遣

人估計工直所費約鉅萬經營揆度是不可以滋派累役

民力也予遂獨任捐造鳩工庀材遴員董厥事或謂塔輪

乃釋氏所崇奉阿育王以爲善果故名都勝地所在皆有

然余初非有邀福之念第巍然未必見其功而頽焉則遽

形其患即如形家言間閭憑爲休咎居民上者其忍置之

膜外耶况豫章在大江以南爲吳楚閩粵吭喉要地而南

昌則十三郡屏翰之首山川雄巖人物挺秀於其間素稱

才藪則城南一塔屹峙雲霄用以振興文教禳除火災洵

不可不亟圖焉予昔廉察是邦曾修廣信郡鍾靈橋以利

往來今閱十有餘年復撫舊治而幸新斯塔無非俯從民

聖主

願以仰答

殊恩於萬一耳經始於癸巳五月落成於甲午七月統費

白金一萬兩有奇諸如木石甃瓦墜漆丹粉務極堅厚輝

煌爲承久計內通步梯外繞欄檻陟頂七級高十丈六寸

八方圍圓共十丈一尺六寸較舊制更式廓云又葺新寺

寮莊嚴法相併增甃石路起進賢門至塔下復迤而南以

弓計者長一千七百九十有奇濶準一弓蓋之闔越者所

必由焉於是登繩金塔者仰瞻堯天舜日四顧雲物燦爛

聖天子

萬壽無疆予亦因民

之樂而樂也歟是爲記

乾隆五十三年江西按察使額勒春以城內外多火災仿

袁州府宜春臺水鼎鑄鐵如式高二尺八寸周圍一丈一

尺八寸畫列卦位增水宿水獸擇用水年月日時安建於

塔之陽以鎮火鼎系以銘

銘曰繫茲星鼎金鐵之精陶鎔二氣羅列五行象取坎止

法配離明能瞻永斂靈液常盈浮圖並峙瑞應胥呈水火

既濟坐

鎮江城

南門外

卷一百

典祀

道光二年巡撫阿霖修塔咸豐三年燬於兵火同治七年

巡撫劉坤一重修

自有記

邑紳劉子潯監修

江西巡撫劉坤一重修繩金塔記余蒞江之明年屬邊境解嚴民稍蘇息又二年流亡漸復歲事告登因念十數年兵燹之餘陵谷滄桑慨然有志興舉廢墜然寺廟無闕祀典臺榭徒備游觀者猶以物力維艱莫之敢議籍紳劉養素方伯以城南之繩金塔爲閩省文峯且曰善舉由是歛費重修余唯唯以告同官文方伯友石亦曰善舉由是歛費興工於丁卯七月經始至戊辰季冬落成巍然煥然視前增美又以餘貲重修塔前之千佛寺琳宮輝映遂爲城南大觀園闕之火災至是果息是科捷南宮者二十有四人仕宦諸公亦相繼陟清要晉封圻衙一時之盛是形家者言信不誣歟抑適逢其會歟夫南方於五行屬丙唯祝融是司在入卦爲離有文明之象則是塔之建足以預同祿而啟人文固宜而余更有說焉作善降祥不善降殃天人實相爲感召至人才之隆替亦視學業何如耳爾士民當益思所以自勉庶幾沴氣消而休嘉至其擬巍科而登顯仕者必更盛於今日是則余與兩方伯公之所厚望而未敢以一塔專其美也是爲記同治己巳年仲春月誤

市林寺

晉泰始六年建後併入繩金塔寺

百福寺 在繩金塔之東宋時建

國朝乾隆十年知縣錢志遙增修東建文昌閣西建春秋閣咸豐三年燬於兵

圓覺寺 在蓼洲晉泰始七年建內有大觀樓久廢

國朝康熙五十八年建僧明星重建學使王思訓有記今燬
菩提寺 在順化門外東晉時建每歲迎春於此舊有藏經閣久圯

國朝乾隆十三年僧徹虛募金重建敬儲

聖祖賜禪師寓谷

御書心經於上改名

御書閣乾隆五十二年僧節容募金重修

紫竹禪林 在順化門外菩提寺北雍正元年僧燦容建

乾隆三十八年僧壑雲節雲重修

九蓮寺 在進賢門外溫司馬祠後唐神龍元年建寺有九蓮池咸豐三年燬於兵火

天壽寺 在進賢門外舊名彌勒菴明劉少保綖建

國朝乾隆年間改今名咸豐三年燬

望仙寺 在進賢門外唐天祐間建寺有亭祀南昌尉梅福相傳漢時尉廨在此已廢

經堂寺 在進賢門外已廢

延壽寺 在進賢門外百福寺南康熙五年僧通遠建羅牧書額

觀音寺 在蓼洲晉初建後廢僅存水口祖師堂順治年間僧六虔復名觀音寺乾隆乙巳年僧華壽重建今燬

清泰寺 在南關口唐初建於京家山明景泰間移此

國朝嘉慶甲子僧澹霞重修

興福寺 在城南宋悟寬禪師講經於此有白蛇來聽又

名蛇聽寺

宋直德秀詩爲厭市喧雜攜詩來此吟鳥聲山路靜花影寺門深樓閣莊嚴地池塘清淨心松風亦好事送客出前林

法雲禪院 在進賢門外康熙元年布政使余應魁建道

光十四年知府張寅重修添築桂石山房自爲記咸豐三年燬於兵燹同治四年詩僧慧霖結茅三間僅存舊址

普照寺 在灌城鄉灞橋村明成化間醫僧正顯奉勅賜名省志載宋淳祐間勅賜興此互異

興隆寺 在灌城鄉分路口明崇禎年間建